



張右史文集卷第一 賦

大禮慶成賦

惟宋六世皇帝踐祚之七年所以和同天人綏靜中外
垂鴻鬯裕增高累厚以對於神祇祖考者固已蒙被充
塞光融翕赫六合一意四海一口無得而言矣粵以壬
申之仲冬將有事于南郊乃詔列位恪職賦事而有司
建言惟我國家因時施禮郊立之位天地咸在牲幣並
薦禮樂合舉而古者乃以陰陽之至即南北之郊別位
殊時薦獻異數有司其何從於是天子揚然深思祇畏
敬慎曰茲大事我其敢專群公卿士典禮之官竭思和



會以訂不易於是議者曰先王齊明以享帝而帝之享
否雖聖人未由知之惟受福者其享之占也恭惟國家
合祭天地于茲六世矣惟我太祖躬膺駿命以遏亂略
堂皇二儀拓落八極以定萬世之業太宗威定宇內震
蕩大鹵以一九有定天下於一尊真宗熙洽富盛符瑞
委積南牧之獮不戰請命威加北荒奏功岱宗仁宗席
安據厚不動指顧孽獠猾羌毒內向吏士未損藏竄
屈伏終始太平垂五十年英宗入纂百姓與能神考有
為六服承德此可謂受天地之福矣然則神祇之安吾
享也其久哉於是天子乃翳青雲之屋乘雕玉之輿應

龍受轡招搖翼輶建虹霓之修竿兮颺彗星之飛旂太
一執節以先驅兮二十八星拱手布武經營而周流醜
貅六師雷霆萬乘初海沸而雲湧忽山峙而川靜蓋天
子粹然土溫健然天運望宮門而動色顧執策而命進
惟烜赫之灵源兮實鼻祖於神明覽光德而來降兮館
土宇之嚴清張咸英之廣樂備干籥之盛舞景光交徹
鸞鶴未下神嬉灵豫醉爵飽俎翼、清廟觀德之宮七
聖在天時降于宗

世有哲孫豈弟無疆惠我
文人瞻祖祐而念功兮顧祚室而感親聖孝油然而發中
兮在位望而含章零賜告旦祥飈掠塵從我髦士未祇

精禋御史肅吏司馬飭兵既遠，蓬、雲流而日行兮
又白、業、海運而天声靈旗洪顯翕赫歛霍兮攫拏
龍虎而亂鯤鵬雄鷲愴感而震伏兮柔良化禮而肅清
弛威弛戢天戈兮固已熄滅虫尤而折撓擗執飛廉圍
商羊屬之有司兮羲和磨刮披拂盡獻其光明蓋傾都
空閭翹首跋足俯窺履綦傍覘佩玉者忽焉不知手之加
顙口之成祝也於是背都城望帷宮郊垌坦其迤連兮
場圃既寒而畢功頽青雲以連屬紫虹霓之經緯紫微
下屬於兩觀勾陳錯施于萬雉扶傾之神仰立而拱翔
德之龍下抱而曳疑神變之歛成兮涌九地而出峙連

廡千柱廣殿萬杙飛甍闢洞牖屹壁酸股之隅眩目
之極唐洛執筭而莫計班倕操斤而自惑者類非資材
於斲墁而皆機杼之紡績也一室之用足以温一家一
宮之費何啻衣一國驚霆之蹕既震洶壑之声咸寂散
齋寢之靜深兮何清虛而邃密天子方端而虛儼而一
多儀未舉精意已塞甲夜始悔嚴鼓載作飛歛走伏神
驚鬼愕望舒騰精以燭宵兮玄冥收威而布德灵龜五
震軫車將中天子乃被袞執玉兮齊明在粟之誠動于
進趨表于形容千燎具揚萬炬畢融上揜熒惑旁燦燭
龍近為朝暘遠為融風赫赫曦曦煌煌輝輝列次之士

野屯之師歸如酌醇醪而御無衣黃流汪洋璧玉照徹
祥祲衡布協氣下決音為樂和形為人祝白質之獸蕭
聲之鳥紛披雜沓應奏而舞節陸降既周燎烟始升奔
星走虹奉璧荐牲豐隆奔馳而仰驚兮祝融焜煌而上征
開閭闔兮闡清都后帝燕兮百神愉圓錫蓋兮方獻輿
岳輸固兮溟効濡於是禮備樂成整車而旋萬類環極
端門闔天賞出千庾恩流百川北包大壤南盡島壘西
越流沙東窮海壖令未訖口雷運風傳野無窮人獄無
宿愆破械解縲負帛囊錢車及其言士復其伍効技呈
才千鏡萬鼓天子奉酒以屬群公咸曰休哉天子之功
系曰於穆聖主建皇極兮嚴恭精禋帝來格兮柔祗並
位儼牲璧兮文祖右坐臨有赫兮於惟祖宗有常則兮
諱兵畏刑後貨食兮政有損益茲不易兮帝則鑒之哉
穀錫兮兢兢業業日一日兮三載一祀年萬億兮

游東湖賦

紛不知吾之所如兮獨漫漫而若狂乘醉飽之餘力兮
遂涉嶽而緣岡惟大冬之采烈兮萃川澤之茫茫農功
休乎場圃兮平陸散夫牛羊樹大木之百圍兮慄赤立
而無裳鶴雀群鳴而上下兮雜黃竹之青黃忽乎陸之
既窮兮漸積水之汪洋曰是為齊安之東湖兮右派合

乎詩江荒灣寂寥而葭葦兮懸瓠曾乎夕陽為舉網而
無獲兮嘉魚逝而洋洋而村落之柴荆兮哀淮夷之陋
荒呼徒侶吾還歸兮陰風振而塵燭是星昂之將中兮
冒玄夜之飛霜碩謂童子汝其賦詩爰有小子寢然致
詞歌曰歲窮木落兮大洋空雁霄征兮天北風曷不飲
酒兮御玄冬歸未歸來兮樂未終余曰汝歌置之可歌
曰臨山川兮懷故鄉歲窮陰兮晝不暘升高堂兮潔余
樽耿余思兮古之人

問雙棠賦并引

雙棠者文潛寓陳僧舍堂下手植兩海棠也始余以丙

子秋寓居宛丘南門靈通禪剎之西堂是歲季冬手植
兩海棠于堂下至丁丑之春時澤屢至棠茂悅也仲春
且華矣余約常所與飲者且致美酒將一醉于樹間是
月六日余被謫書治行之黃州俗事紛然余亦遷居因
不復省花到黃且周歲矣寺僧書來言花自如也余因
思茲棠之所植去余寢無十步欲與鄰里親戚一飲而
樂之宜可必得無難也然垂至而失之事之不可知如
此今去棠且千里又身在罪籍其行止未能自期其於
棠未遽得見也然均於不可知則亦安知此花不忽然
在吾前乎因賦問棠以自廣云

寓舍之壞既膏且腴手植兩棠于堂之隅風來自東冰
雪融液興視吾棠既葩而澤乃沽我酒又命我人期一
醉于樹間聊快酬于芳春夾鍾之初誦書在門陸走千
里止于江濱天星一周穆然舊春想見吾棠粲然含姿
俯睨舊堂今居者誰婉如然而有待淡無言其若思嗟
乎始種自我其享將獲盈我旨酒會我賓客一酌未舉
俛仰而失事至而驚其初孰則惟得與失相尋無極則
亦安知夫此棠不忽然一日復在余側也且夫棠得其
居愈久益敷無有斧斤斷傷之虞我行世間浮雲飛蓬
惟所使之何有西東夫以不移侯彼靡常久近衡從其

志必償歌以訊之用著不忘

柯山賦

入東門而右回兮原迤靡以相屬拔磅礴以陸起兮是
為柯山之麓其上蕭森而晻靄兮冠萬竿之倚竹下燒
确而堅密兮拱高林與喬木散雞犬于危阨兮雜茅茨
與夏屋通漢樵之蹊遂兮路從橫而斷續狼土石裂暗
膏谷虛鳴鳥上下伏獸號呼俯江流之蕩滴招列山之
蟠紆林壑作態而蔽虧兮風雲效技而卷舒因可以開
闔陰陽于一氣賓饒日月于天衢爰有窮人靡然魚歸
曠四海無所投其足兮后帝命我于山之隈庇蓬茅之

數椽兮撫枵腹而常飢時醉飽而自得兮亦杖履而遨
嬉逾山而東席門草蒲爰有君子於茲考槃自種自食
隣里莫干畜書滿家兒稚飢寒相見輒喜有時不冠寄
萬事于一笑兮不知食糲而衣單吾不加物以一毫兮
亦莫愛人之燠寒悟紛華之多虞兮幸寂寞之至安飲
我薄酒惟有餘啜我豆羹甘而腴隱几而休讀我書乃
曳杖歌曰升柯之巔明遠眺兮築柯之庵可以老兮終
古不忒天之道兮于于而行無喪吾寶兮

卯飲賦

張子晨起浩然四壁千林霜曉四顧寒寂先生惘然而

不自得顧視壁間若有物焉短脰魁腹兮長喙旁喙而
椎髻上直也雖未知其何祥而津然有喜色矣於是
童子趨而進曰是有客曰麴生者願奉先生于頃刻先
生欣然三挹而進之蓋其氣盎冽而浮兮其聲瀏瀏
和而幽兮其質醇醲以柔兮先生曰甚矣予之不敏
也今日乃知從子之游於是休之栗然寒者溫心之鬱鬱
然結者散已大忘於寒暑尚何有於夜旦挹麴生而告
之曰吾將旦與君周旋既烹君以神良又饒君以芳
鮮而可乎麴生付曰斥子之泉吾泉出兮枵吾之腹君
腹實兮陋彼昏之獻嘲何啻富子於一日

下物之宜也。... 何嘗知淮馬之陪俗軍... 十年期也哉

熅薪賦

歲暮苦寒... 熅薪... 讀書夜闌燈

炭已灰... 曰是薪也... 熅液之乳... 相得赫然... 熅而不同... 引手長... 之其... 宮之... 今... 熅... 熅...

熅薪賦

予到官之明年以事一歲不歸公倫以蘇
子非之生後杞菊賦以公倫之書初出官即不
樂仕而執志去官者三歲矣公倫之書到之
然到官歲餘困於程未及公倫之書迫甚向
日慙慙歎自以無聊之輩而後曰然如先生
者猶如是則余而後可以無歎也

有蓬四垣張子居官童子來詢有駒在門張子迎客平
生故人予致其動觀客以死樹靈菊之清英剪霜杞之
芳根芬敷滿前庭有馨體客體而作謂余曷然張子始
歎終笑以言恒繼前年分別余安子聞之乎滕西先生

為世達者文章行義徧滿天下士爭慕西曾是不飽先
生不慍賦以自笑先生哲人太守事官食若不厭况於
余焉不稱是懼敢謀其它請於予說予無我嗟冥冥之
中實有神物主司下人不聞意變大德不稱享者殃勞
不償費者罰予自三教亦言士貴節道遠于枯槁庶自
遠于公患公謝而莫如予如治公而法之所樂予與爾
其焉二

張右史文集卷第二 賦

涉淮賦

涉清淮之浩蕩兮聊以豁吾之幽憂
躡峽石而下泛兮觀波濤之復流
何佛廟之巍城兮憑於兩山之幽眺
東崖之飛閣兮紉萬里之清秋
昔淮人之涵強兮恃江左而不賓
方中原之多故兮遂寓帝而梅隣
遭世宗之勃興兮乘累聖之或神
書主祀而奉命兮之二揮而遂臣
始盤桓十有春兮蓋嘗到而益振
驅龍虎於拍流兮臨長江之遼津
馳千里之玉帛兮誰可兮之請車
討其一時之氣兮固叱吒而風雲
卷了乎之於時兮山川儼其

如新忽人事之幾變兮托墟廟而徑淪訪遺事於樵夫
野人之談說指餘迹于荒城故壘之荆榛徒見大雲悠
悠而朝出水漠漠而東流飛沙鷗于晴渚听夜櫓于行
舟彼時豪盛比日廢昔人功業今人愁嗟夫旦之心暮
不可求前之迹後不可再胡為寂寥之前古乃以興亡
而感慨雜物至盛者其存也宜久勢極大者其亡也可
驚方登臨而遠想豈獨予兮忘情

涉淮後賦

余甲寅之秋自正陽涉淮作涉淮賦既至泗之臨淮邑
之東南皆淮也朝游夕濟凡淮之驚畏云濤之變與不

歷之矣今秋又以事之東海至漣水入漣河舟人告余
曰淮水自是入海矣予生二十有二年吳楚秦蜀之國
未往殆徧竊悲其迹之不常作後涉淮賦以自廣云
沿淮流之湯湯兮蕩余舟以汾泗嗟我居之不常兮未
昔歲而舟未始進棹于正陽兮睨下蔡之窮城界陳許
之北壤兮望荆塗之西山徧川原之迴復思禹功而慨
然爰繫舟于徐邑兮浸淮竭之西塘駕長帆于朝風兮
凌星河于夜濤豈所覽之未周兮恨未窮其本原忽行
役而南去兮稅吾楫于清連指吳越于西北兮曰此淮
流之所還彼百川之歸海兮吾固知其心然惟循原而

極末兮哀余迹之未安富天時之飛戾兮風露慘其既
至山峭嶮而瘦出兮水甜絮而如澗與孤輪而忽驚兮
出游鯨于短策白鷺飛而一水方朔如遊世之君子酒
芳膏而盈益兮吾陶而日醉方賴然而道形兮孰早
高而賤貴彼貴者乘其高兮富者登其富兮二者之累
余兮何窮游之足悲窮天下之奇現兮極履載之所載
膏吾車而夕反兮畢吾世而倘存

雨望賦

淡海天之蒼茫觀驟雨之電雷飄風擊而雲奔曠万里
而一蔽卒然如百丈之奔赴敵驟戰兮車旗崩騰而矢
石亂至也已而餘飄旣定盛怒已泄雲逐々而散歸縱
橫委乎天末又如戰捷之兵整旗旆隊徐驅而回歸兮
杳然惟見夫川平而野闊夫雲霞日月之容雷雨電
之變非巧力之能為蓋人間之絕觀必也登雉樓傑閣
之崢嶸憑高山巨海之空曠綠除耳目之障蔽而後能
旁極變化之奇狀差我居之卑秋兮東視听于尋丈傾
所欲之莫得兮徒臨風而惆悵

暮秋賦

嗟今志之莫就兮哀天時之已暮葉落而凋兮以將暮兮
無以蕩吾之幽憂昔吾之託有知兮能信通而不爾鞭

吾駒之不戒兮眇一世而獨驚
嚴章甫以自好兮安知越人之異容
恃所持之不欺兮謂彼此之情同
夫何事物之多故兮因少愚而老智
彼善惡豈有常兮因繫夫一世之賤
貴措礫以為玉兮人皆知其不然
衆既訛而莫返兮事隨信而名迂
偽言實于衆兮至寶賤于獨知
正無助者必危兮惡乘剛而或濟
決大河而東奔兮挽余舟而上
沂嘆爾楫之哉何兮蛟龍鬱其方
怒外既揆而度內兮考旧好之同
異齟齬以深藏兮固可死而不可
誠卷杜衡之幽佩兮苞芳蘭之翠
衣畏久畜之不揚兮時竊陳以自
戲怨所貧之不售兮非達人之宏

規彼廢具之有命兮何憂樂之足繫
奏吾琴之憤怨兮酌吾酒之冽清
攬芳桂与秋菊兮聊以駐吾之頽齡
吾又將之夫深山兮遂絕世而遠去
身九浴而後衣兮齒三滌而後咀
納冰霜于胃中兮蕩焦膈之宿汚
求仙人之竒術兮与彭咸乎為伍
彼君子之蹈道兮曷急世之有知
聊逍遥以卒歲兮天命而不疑

超然臺賦

蘇子瞻守密作臺于園命以超然命諸公賦之余在東海子瞻令司首爰命

或有疑于超然曰古之所謂至樂者
安能自名其所以然耶今夫鳥之能
飛獸之能馳與夫人之耳目手足視
聽動作自外而觀之者豈不以為大
樂乎然鳥獸与人

未嘗自以為樂也古之有道者不樂生又安能自名
其所以然耶歿方自以為超然而樂之則是其心未免
夫有累也客有應之曰吾豈以予之言非耶吾方有所
較而後知超然者之賢也予視世之賤丈夫方奔走勞
役守塵壤握楯穢嗜之而不知厭而超然者方遠引絕
去芥視万物視世之所樂不動其心則可不謂賢耶今
夫世之富人日玩其金玉而樂之是未能富也忘其所
有而安之是真能富矣夫惟有之是以貴其能忘之使
其無有則將何所忘耶予以謂將忘超然為真超然則
其初必有樂乎超然而後忘可能也予以謂樂夫世之

樂者乎然則子亦安知夫言超然者果非能至樂者也

賦曰

登高臺之岌岌兮曠四顧而無窮環群仙于左右兮瞰
大海于其東齊塵壤之喧卑兮揖天半之清風身飄飄
而欲舉兮招飛鷗與翔鴻莽立原之茫茫兮吊韓侯之
武功提千乘之富強兮德百祿而祿誰忌千年而何有
兮哀澹圃之榛榛而灼公歸于臺兮吾知此臺之何恃
惟廢興之相召兮要以必致而後止彼變化之無窮兮
嗟其偶存之幾何柳徽亭于吾世兮又安知夫其他或
有疑夫超然者曰豈其知通乎未始曰彼天下之至樂

兮又安能自名其所以然惟樂而不知所以樂兮此其所以為樂之全彼超然而獨得兮是犹存物我于其間客有復之者曰子知至樂之無名兮是未知世之所可惡世方奔走於物外兮蓋或至死而不顧眇如醯鷄之尊甕兮又似乎青蠅之集污衆皆旁視而笑兮彼獨守而不能去較此樂于超然兮謂孰賢而孰愚何善惡之足較兮固天淵之異區道不可以直至兮終冥合乎自然子又安知夫名超然者果不能造至樂之淵乎

鳴蛙賦

余寓山陽學舍夏大雨屋四隅成塘聚蛙以千計聲鳴

不絕夜為不能寐客有獻予以殺蛙之術曰投余藥一丸蛙無類矣童子將用之予曰不可復為賦示之
夏雨初止積潦過尺有蛙百十更跳互出幸此新霽夜月清溢我勞其休歸偃于室小時蛙鳴若嘯若啼若訴若歌若懽若悲若喜而語若怒而詬若噉而嘔若咽而嗽瘖者之呼吃者之闕或急或緩或清或濁若羗絲野鼓雜亂無節兮又似夫垂歌潦語詭恠之迭作也尔其困于泥潦失其所處而悲又若夫旱暵既久得其所處而樂也爰有童子持燭來謁曰蛙群夜鳴君寢其恬考之周官洒灰驅蛤君其教之余得盡殺余語童子尔無

是酷尔樂而歌而哀則哭，則悲莫樂有歌曲聚語群
爭引吮而呼一日之間不寧滴更蛙不汝嫌汝莫蛙誅
万物一府誰好孰惡尔奚自私已厚蛙薄泰通彼已樂
我自然爾尔怒心置燭而眠夜半張子援枕而吁顧謂
童子記吾言欵前言未究請卒吾說物各有時夫誰敢
遇尔觀夫春露初霽朝華始粲文羽清喙飛鳴自如若
奏琴箏而和笙竽清耳悅心听者為娛及夫陽春既徂
炎火將極惡草蕃遞淫潦滌積蛙于此時生莽蕃息跳
梁號呼意氣橫逸子如之何時不可逞時乎時乎美惡
皆然當其盛時誰得而廷及其雪霜既降木實草衰飛
蠅聚蚊孽無所施于是此蛙歛吻收足阡然土中一声
不出黨散巢披不可終日盛不可常與衰迭来子姑忍
之奚以殺為哉

齋居賦

仲夏之月陰氣始至陽既盛而初剝陰浸亨而用事水
伏畏涸火燎方熾其於人也心實過炎而腎受其弊惟
人之生受命在子推卦曰坎於行為水微陽所潛元氣
之始故火甚烈則正氣或因而衰則水受害者君子之
所深畏於是屏事燕息膝慮齋居既靜事以無刑又遠
眺而高居却紛華而弗陳與炎泊乎為徒絕嗜靈慾愛

精蓄神志色不御滋味而氣冲如與和止諸道皆以道
合真故能休極志寧心導于道去其腐伴此遊老鳴
呼苟能推此以盡道焉此以心物出豈惟齊戒以御時
宜其顛沛而勿失且夫冰炭相害利害交至隨真盜和
豈独陰冷道心惟微易失難常因于侵陵有如微陽則
浣心滌志以却外垢虛中任和以全天君故能涉至變
而不濡更萬變而常存蓋將窮生以齋居豈特養生而
善身乎

蜘蛛賦

魚游假淵鳥棲求木而我所宅獨取諸腹巢于墻屋人

不予取朝蠅暮蚊食人所惡彼殘物以養而無益于世
雖名人兮斯虫是愧

得友賦答子芝

余趨世之僻迂獨予子而無朋信所樂以直前嘗媒仇
而賈憎惟物態之易艱撫危心而自驚甘默默以遐藏
包薄伎而無成何吾迹之不常旅成周之故京眷吾游
之悠遠耿誰語兮吾情唯夫子之好脩昔因聞乎德声
独顧我而忘勤握未暖而心傾登捷鑰而不疑奏金石
之鏗鏗內端肅而粹溫外兩煥而清明嗟我鄙而子奇
謂欲合而莫能援古義而見交愧此意之何勝既兩盡

而莫疑六之視而共許雖昔之之兵猶如新樂而生矜
豈目前之惟愉實未足以生往古之名都窺圖沼
之清澄語寒堂之夜爐醜香國之劍英嚴逸事于古初
六宮微而造精校明珠之的聖教白璧之煌熒惟此樂
之無窮使我愛日而兢兢維所歷之萬殊願勿疾苦茲
誠

懷知賦

嗟余生之苦艱涉世故而才違空群嘲而衆侮獨牙牙
其從誰嗟若人之好脩外洵直而中奇挈余手而指津
謂予車之不迷遵常度以爲行正六轡而安馳嗟終日

而無禽曰固然而曷疑惟言動之合符若方圓于矩規
振高言于皇極流餘麗于奇辭沃道德以相專心厭滿
而忘飢愛日月而畏別卒悠遠而多懷跋余望兮莫瞻
將駕言其送之何出門之多艱頓我馬以嗟咨山叢叢
而造天車欲進而畏摧臨江湖以浮舟蛟龍鬱鬱其揚鬣
路幽迥而莫通心鬱塞而增悲贈瓊瑤以致情恐所託
之吾欺惟至技之難投或幸世而莫知儻一過而見明
蓋至樂之無灑波取舍之迷方或膏血而相遺苟我心
之不察雖親愛而何恃故烈士之報知己或殺身而不
辭豈以生而易名誠內激而忘思風蕭蕭以戒秋蟬噤

嘒而鳴悲白露團兮夕涼庭木然其先稟爲我馬于東
周蓋三歲其于茲老駸駸而來適心懣懣而不夷顧所
樂之莫從託宵寐兮庶幾所真河以忘憂寫我心兮陳詩

遣憂賦

居了了以無與兮出莫知其所以之獨爲居以終日兮耿
默默而長思古之人不可得而見兮存者臧略之遺辭
顧一世之異情兮余誰者其從之惟我生之拙迂兮嗟
所慕之名奇挹廉清之遺風兮曰吾其進難而退易百
驅不加于跬步兮却嚙疾之而莫追踐斯言之不欺兮
庶吾心之無愧日月忽其廷流兮老忽忽而既來惟所

蹈之日迷兮撫前心而自非欲改故而圖新兮從靈龜
而問疑兆改橫而上從兮史謂余而告辭橫爲空而善
處兮上從直達其無巖豈外拘而中泰兮或者既塞而
將遂保尔守而無變兮神明汝於其遺之相利害而爲
術兮彼鄉人其猶恥美灵龜之告猷兮得我心之所止
彼蹉蹉其安往聊安安以自恃歲冉冉以將老兮草木
颯其哀哀玄蟬號乎高柳兮泣齒齒于清池宵虫悲鳴
以相語兮朔雨振迅而南窺嗒吾客于東周兮周天星
之三移寫我憂以命駕兮馮高明以遠視臨平田以茫
泱兮瞰清洛之東駛山重復而南積兮萬嶺轟轟以鱗

次微雲密霽以忽布兮孤蓬飄颻而高越態耳高高而
西峙兮女兒奮薄而南危東平川于西間兮散佃漢于
平地雞犬密其相聞兮海陞布而如碁牛羊閑以就牧
兮烏鳥號呼以群嘻登故國之餘墟兮望遺宮之頽基
傷者來世而無窮兮樂者昔人其既止惟達觀其超忽
兮等廢興于一視考物變以自樂兮遺餘情于酒醴大
人無即而非樂兮淺夫係物以自治彼方窞我以局促
兮我則顧步而廣肆制憂無于在彼兮夫何貴乎明智
忘吾愛以洋洋兮將以語夫君子

張右史文集卷第二

張右史文集卷第三 賦

哀伯牙賦

伯牙鼓琴後世無知我哀伯牙似智而愚天地之間四
方萬里知爾琴者一人而已鍾子既死其一又亡欲彈
無所泣涕浪浪已奏已闌歎語不可幅塞滿懷無所傾
寫折揚黃華巷歌里曲入之娛色八國悅國回視伯牙
面有矜色夫揀至伎者必不和衆人之耳而媚衆耳者
又善工之深耻違衆者常守其真與而冒恥者乃身
安而獲利則亦安知夫至藝之非禍而庸工之非祉也
嗟夫將為至巧者必無領于終身之無與則至巧之于

人乃不祥之上器操不祥之器終身而不知則伯牙者
乃後世之深戒

石菖蒲賦

歲十月冰霜大寒吾庭之植物無不悴者爰有瓦缶貯
水斗許間以小石有草鬱然俯窺其根與石相結絡其
生意暢遂顏色茂好若夏雨解箨之竹春田時澤之苗
問其名曰是為石菖蒲也考諸本草則所謂養性上藥
仙聖之已試者也因賦之云

歲寒風霜水落石潔大木百圍僵仆摧折有草于此寸
根九節曾是莫傷拳然茂悅若處廣深隱奧密而不知
戶牖之外平地尺雪也將糜而餌之私其益于我躬則
不幾于奪也曷若致之吾前儀之以自修兮庶乎比德
之塔坻也

病暑賦

皇昌運之元祀兮予出守乎清潁之區背國門而南驚
兮弭楫乎太昊之墟方炎夏之隆赫兮閱時澤之不濡
魁乘時而行虐兮盜威烈乎暘烏駕畢方而駭焚惑兮
回祿為其前驅燼所及于一燎兮何有瓦石與璠璣豐
隆致其微陰兮飛廉蕩漫而無餘野曠曠而揚塵兮何
蕭艾之荅敷應龍矯首于下澤兮僅自免于槁枯鳥呀

味而忘飛兮默此穴而深居嗟人胡獨不能兮無乃欲
息而被驅昔蘄山之秋筠兮因冰卷而玉筍効功能于
么麼兮曾何足以寧吾軀飽風而為蜩兮又欲泳水而
為魚出寒泉于深井兮竭筋力于輶轡不計腹之所受
兮尚問山芻麩麥之有無辭曰陰陽循環靡窮極兮時
至而變有常則兮融液金鉄燦山石兮謹視其報在朔
易兮玄陰大冬冰雪積兮無畏其机備其極兮補完棗
褐戒紡績兮保我歲寒以終吉兮

喜晴賦

積雨初止萬境聲軋星漢昭回夜容高寒晨起載欣朝
暉在門起往從之清明肅然矧安其穴蝸不遺涎還開
通于滯濕失沮洳之墊昏列缺弭鞭豐隆偃麾羲和緩
轡而安行背扶桑而徑天街顧大田之多荒乃愀然而
興哀聊雷霆之一嬉遽下土而罹炎詔就蟠使伏蟠息
憤怒之喧隋曰余悔禍于斯人勞苦而師以一栝惠我
農師豈不休哉

南山賦

南山岌岌巖兮其下有人佩玉而握珠冠意魯叟之古徑不
習世儒之臆書我頃見之于宛丘之秀哲而肩踈別去
忽兮幾時面蒼瘠而垂鬢愛德器之老成曾巧篆于璠

璣問所與之謂誰亦黃犒之仙塵禁八馬之超驚同葛
豆于群鷲時慷慨而長鳴恥賦工之附輿我行世之多
艱三年困兮江湖幸天恩之放還過都梁兮踟躇奉兩
月之周旋越長淮之馳驅屢飲我于山間出剛蹕之兩
妹舟師告余以當行具篙楫于斯瀕歲方暮而寒驕犯
冰雪于野墟雲漫漫兮垂天風栗栗兮攻膚絳髮鬢于
宿莽妍柳秀于群枯泛羽鶴之清令聊覽物以為娛思
佳人兮天末望莫見兮愁予

秋風賦

張子夕坐于堂之南軒有風颯然來自西方感乎人心

異于尋常初披僵乎草木亦泛動乎軒窓張子曰是風
也所以成歲而佐陽者乎時也未大就謝七月始涼既
集迫于肅殺又紹介于雪霜其中人也萬竅洒然汗澤
為乾纖絳魯縞不勝其單其加物也未敗其形先傷其
情未預其生先奪其英使之嗒然委者見于顏色黎然
槁者動于聲鳴吾嘗中夜而聽之析瀝颼颼群動百藉
悲泣悲吟感人忡忡者秋之言旦起而望之清明高潔
者秋之容于是庶草効實九穀獻功既備于野又嘗于
宗感天時之不留念歲律之將寄張子曰吾何為乎戒
裘褐以備嚴冬而已

南征賦 贈張嘉甫

予文窮而莫諱兮顧四方其何適毋寧征于江左兮毛
上膏其可食抱朝暮之勝氣兮西山吾以為宅風余帆
于晝日兮余朝祭于赤墜標玉壘之下流兮逝蓬飛于
一息迅沮漳而橫入兮雁揚瀾于左蠡嫻吾目無恨兮
濤猛獸以噬獐零光風于木末兮候餘波猶未肯平迷
失道而問津兮御于朱明訖漢父而陳詞兮余非湘纍
之獨醒父告予以不治兮南樵舍而自成破隴畝而溢
流兮石險狃而當道豈舟人之肅洽兮艇觸撥而歌倒
繫余車於桑木兮猶可以徒行夷予竈使不得炊兮余
猶可以乞鄰四厚土之滌漫兮予騷騷無以為家維斯
懷之可久兮鳥猶長鳴以嗷嗷黃蒲田之所播植兮歲
有秋而登場既狼突而竭隣兮已獨賦乎廩倉饌上方
之玉盤兮上曰鮑斯人之德歲協心而斬兮味柔嘉余
未得食樂予指于鼎兮豈不同此臭味使持節于十郡
兮民得此父母顧余懷之會平兮謂一寒之何故雖解
衣誰食兮曰此小惠也帝德不我世之良醫兮藥神膏
而可以破汝癘賦余九言而九頌有兮度百世而足用
閱一世之風波兮曰餘皇吾以為歸宿

碧雲賦

蹇臨高而延矚，帳天邊之碧雲。緬不知余何思，情至
兮縉紉懷幽蘭之令安。方揚灵乎上春，顧采者之非其
人。使暴露乎埃塵，我有旨酒與子殷懃。終潤莫致實勞
我神，白日西馳去。故就新筮采舒光，念當及晨。

三酌賦

出公門而偃私酌，昔酒於良辰。緬再酌而三釀，恍如對
乎佳賓。畏局促之傷懷，聊流暢乎心神。懲荒泐乎無筭，
愔然合乎礼文。蕩志文史，晤言詩書。世醉不足，我醒有
餘。願妙物表韜精道樞，冥會独應。誰知我娛。

人日飲酒賦

歲後七日，其名為人。愛此嘉名，酌酒懽欣。豈木竹之始
和生，庶彙而施仁。又曰：人者三才之中，將中和之肇布。
易巖殺之餘，冬也。乃命婦子班坐行觴，酌已相祝壽考。
無疆有否，必泰無窮。不通請觀庭下之枯折，折霜霰消而
敷榮羽。虫感陽而群嬉，况乎雲間之飛鴻。于是三酌既
醉，喜有所得。安局促而不嘆，悟倚伏之無極。

吳故城賦

亂吾舟兮大江，夕余濟兮樊口。登武昌之故墟，弔西門
之衰柳。出東郊而南眺，訪遺城之培塿。嗟頽墻之迄靡，
半已平乎耕耨。襟谿澗而沮洳，稻冉冉而將秀。曰：是吳

王之故宮者昔神詠之所而當契漢之委地群兇聚
而咏剖偉紫髯之永圖揚而折于江右豈無愆于雍洛
為虛夸為善守觀其作卻于武昌夫何險阻而即安是
為大江之上流若於俗敵焉不察然諸將之凡才豈素
曹之敢班欲自當中原之一面而事便時利一葦濟乎
濤瀾當是之時而觀萬雉縹緲門內推燕趙之容外
屯雜糅之軍笙磬鼓鍾之喧闐旗旆車馬之備紛固已
包蒙川津震耀山原安知夫千載之後陵谷易位夫何
遺珠與棄玉顧此遺墟之將圯于是與客休于祠宮披
樵蘇之微路嘆牛羊之入室固牲酒之不具與客愀然

三嘆而去

余近讀曹植諸小賦雖不能通家工緻悅可人
意而文氣疏後風致高遠有漢賦餘韻是可矜
尚也因擬之云

張右史文集卷第三

張右史文集卷第四 古詩

休日同宋遊教詣法雲寺過黃魯直公擇
烹賜茗出高麗遠送客去近作教詩皆奇

逸坐中懷無事可欲置三五遊教

休日不遣請出遊賢友曰凡物上之者必坐花雨中金
倪教書寧寶鑑論天賦曰其言皆相反有悟真空尚書
二三空涼社維分言分一亦言分一了造物幻極中一
中集海外十年如往今一世幾多事幸則能之子取城
西起之不可上言其遠也一人言其近也言其近也新月
撲衫墨墨紅圓紙字分其白也言其近也

掛虎圖于寢壁示結程

畫工出幻事，縞素祭原藪。蕭蕭白茅低，凜凜北風走。耽
然老於菟，拳步安不膝。日光炯雙射，怒叱呼欲受。彼彪
擲其旁，文彩淡初就。雖然竊形似，已足走百獸。煩君衛
吾寢，振此遼華陋。坐令盜肉鼠，不敢窺白晝。

神運殿望香爐天池等峰晚宿官廳明日早發

遠公不出山，坐受天龍供。地祇敢愛宝，木石親輸送。岩
岩千年屋，山立屹不動。風雲宿倚梁，星斗近華棟。亭，
碧香爐蒼筍時，自涌五雲巖。擁衛天樂下，鸞鳳神池閔。
宝像光恠祭，岩洞誰能陟。其顛手攬游龍鞵，東堂黃金

截龍像，儼環拱蕭條。已圖輦拙樸，昔誰用掃堂。為一睡
清秘乃無夢，思歸或足矣。翁結束勤僕，從鳴鍾振林莽。月
落朝嵐重，再往望渺茫。德像崔應明賦

贈張公奇

我昔為諸生，春書諫議公。後五年，除獎札。散實客同決
料，青弱冠年少。衣如紅罽，未浴後。來不責醉，後恭孤舟
梁宋，即旅態。萃可兮，祥一佳兮。奇天語，吾春風。八事不
可刺，海印兵。吾山平生出，十道行。高覽笑，新封十年待。吾
弟懷舊席，沾巾泣。予之弟，法華寺。公之德，空交臂。是非外
為寮，兄為中。東軒語，長是公。公之德，清紅西舍雪。夜催玉

顏醉璫鍾飲徑相就三更叱隴翁鯨吸地遺滴山頽
信傾峰搜抉盡醬茹楂梨倒篋亂通霄兩沈醉午起頭
如逢人生定當尔事去挽驚鴻河梁繫君馬一笑喜相
逢憐君碧紗幌夜淚哭帶業我方困蠶鹽酸寒官辟癰
同尋舊游地塵壁冒絲絲啼鳥古寺閑夏陰小園空酒
市逢好好琵琶失玲瓏樂舞一分散官僚亦西東忘情
猶一嘆齊物論非通官冷隨朝市端能信余慵人生當
富貴子盍自磨礪便當引五車一一貯心胃功就螳作
堽叢成虵化龍北郊分袂歸作惡驚兒童長謠代晤語
發予一笑咲

離黃州

扁舟發孤城揮手謝知音山日地昏蒼天豁江面鴻中
流望赤壁石脚神水不可飲重夢頻歷漢樵舍居夷
實三載誰里通假借別之無益有甚矣為一洒蒿土起
為疑在清健干馬細細正山自以家樊山夜

留樊漢

黃州望樊山書之如可也一掃江來山脚繫吾纜大
一失向漢水空江之北之於後之於身身感擊安
不可成哉文賦人皆言一安一之也豈意通徽平三十
三寶戒俱歎忘登忘忘定知言六六六六六六

道士磯

匡廬真九江苗裔遍南服橫江蔽原野內外實一族危
磯挿江生石色壁青玉蛟龍穴亂石孫攫在喬木我行
季冬月江蹟在山腹扁舟如鏡面清淨不可觸躋攀既
不可千古長幽獨緬想邃古初巢居戒樵牧

離樊口宿巴河遊馬祈寺

扁舟下樊溪江南正清瀉曉登巴河岨極目望春野步
尋脩竹寺古木爭偃亞云昔孫仲謀刑牲致師禡椎圖
邈已矣英槩足悲吒石梯造雲霧丹白開唐厦山僧安
寂寞畏冷不出舍勞生渴閑境頓使我心寫晚江平若

席風勢欲相借

龜陵灣阻風三日遙禱孤山而風止

積水多疾風三日阻我舟天寒波濤惡岨窟騰龍虬五
更船蓬鳴冷氣入衾裯平明諸山雪爛熳鋪琳球篙工
笑相顧白我已船頭永愧小孤神霧鬢橫星眸倉卒禱
即應知我厭滯留積晴景物好柳色含新柔春風我故
舊迎我入東州

自離富池凡三禱順濟就求便風皆獲應又風

日清霄舟行安穩委曲如所欲感而成詩

旗尾指船頭篙工告風便張帆施雙櫓去勢如脫箭船

匡山六月望日齊安罷官步登客舟過
樊口李文叔棹小舸相送遂下巴
河上灵岩寺寺有何興猶石記云昔
孫仲謀伐舟春於此祀天祭江刑白
馬故山名馬祈寺有法堂頗華敞因
與潘季飲酒賦詩其中明日至蘄陽
登梁昭明太子廟遂宿且禱順濟乃
祭候風林皇港見江中黑物類獺又
有尾鬣相馳逐久之激水高數尺風
定而去過道士磯石壁色正青挿水

中又十里所過五面磯遂泊富池禱
甘公祠晨祭富池望匡山諸峰半皆
在雲中晡時至潯陽捨舟登陸晚宿
太平觀冷翠亭時十八日也十九日
過鄒志完晚大雨將醮雨霽中夕醮
罷復而觀入吳之二十日游東林觀神
運殿祀遠公像見晉安帝輦游磨
院遂登白公草堂讀歐陽文忠公題
名上五杉閣而歸吃谷西 林歸納涼
神運之南望青如天池化城二十一

日出山此其大略其詳屬滿卽潤色

風駛浪涌伸達喜其快因作一篇

人生不欲甚快意遲速到家還一致向未白浪涌如山
舟中呀呷幾喪氣我師禪祖字不動頗蒼茫忘定慧
憑河不悔聖所非君勿為笑而為戒

題廬阜官廳壁

平生山水興今夜宿東林落日棲殿影西風鐘梵音雲
橫杉閣迥雨過虎溪深脚力猶堪在它年當重尋

出山

青山如君子悅我非安媚相逢一開顏便有論交意今

晨決然去慘若執我袂謂山無見留此事寧久置道邊
青髮翁下有白玉髓斲之龍蛇窟自足飽吾世平生耽
幽獨乃若安朝市一官等塵垢安得敗成計草堂醉老
子虎溪大開士寄語二主人為留三畝地

朝雨

幽居感節物僧舍值朝涼空簷落寒雨滴響秋堂
飛林間翮燕羽不能翔危葉別故枝幽花泣晚芳
悠々清夜眠促織催朝光日月憶已徂吾行拙迷方
採採幽圃蘭歲晚自馨香君子建明德勿為兒女傷

離陽翟

驅車發潁川，回望失嵩少。霜氛塞層空，黯淡寒日曉。原田際天平，百里見飛鳥。累累道傍丘，石獸卧衰草。不知誰氏碑，剝裂偶未倒。支離見隸字，書帶漢筆妙。遺墳不可問，文彩竟何効。永年恃金后，此計久可笑。昔遊已三歲，存歿傷懷抱。飽詣人世憂，安得身不老。

次潁川

許昌古名都，氣象良未替。客子遠道來，塵埃滿襟袂。黃昏造孤驛，買飯嚙枯葢。庭寬蟾除高，霜氣徹寒被。賴携朱提杯，可具一飲費。無人勸我酌，孤燭伴客醉。笙箫誰家樓，語笑月中市。何人不行樂，而我獨涕淚。夜長更漏

稀，風急鼓聲駛。天明卷席去，行止隨所值。

昭陵六馬，唐文皇戰馬也。塚石象之，立昭陵前。

客持石本示予者為賦之。

天將剗隋亂，帝遣六龍來。森然風雲安，颯爽毛骨開。騄馳不及視，山立儼莫回。長鳴視八表，擾擾萬駑駘。秦王龍鳳安，魚鳥不足催。腰間大白羽，中物如風雷。區區教聖子，傳取如提孩。手持掃天帚，六合無塵埃。艱難濟大業，一一非常材。惟時六驥足，待與英衛陪。功成辦入寫，玉輅行天街。荒涼昭陵岡，古石埋蒼苔。

同揚二十，維氏寺宿。草酌，張正民秀才見訪。

契闊千里別惻愴難具言殷勤一宵語願子未即眠空
堂燈火青旅褐借僧檀勞一杯酒不解道路寒經年
相從樂既別亦茫然人間事尽尔聚散亦何嘆但悲多
難身尚獲朋交歡間闕百憂中一笑直萬錢張子年未
冠已雄群少年崢嶸生我側紫眸秀双顴壯志激哀懦
清談破愁煎天明即分散柰此情悄悄

初到都下供職寄黃九

千里不相見勞勞復何辭不應一城中耿耿令我思
舍酒家樓榭壚卷其旗鼠壤敗晨炊守翁噪群兒馬傍
挾兩羸双踵待刻程五日長安塵故山夢中歸何以洗

我心望君青松姿懷情久不吐古屋絃悲詩

次韻魯直夏日齋中

文章慙散散談舌罷焉求早求早但願兩耳靜黃
公安禪室不覺在市井客未過清風可是徒造請犧尊
典榜社妄計幸不幸願君妙覲察金門等雲滄

晚歸寄無咎

雨氣入古屋薄惟生夜清想君雖早生編字苦吟生泣
深歎我馬歸卧日半楹浩然百竇想非子定誰評
屋東雲移山屋西日半壁餘天一刃清遠雨高綠白官
事處可了未遭官長責惟應見夫子不可別頃刻

送呂際秀才南歸

咽咽出谷泉蕭蕭秋竹風豈不愛孤潔但傷愁且窮
子南國秀滄溟貯其胃出試輒不偶低頭避兒童
離家五十里客飯若不豐冷落卧寒齋苦吟和秋虫
昨者投我詩九歎閱未終歎知作者心但視讀者容
文章出貧賤此事今古同但願子富貴不願文日工
今日告我別出門若鷺鴻各在天一方何當復相逢

西山寒溪

一本云挈家同潘郎遊寒溪西山二寺并寄卯老詩中亦願卯老書齋名也

茲行頗閒暇聊此一作况在山水間幸有所携人臭味同一
源山蹊並脩澗嘉木間蒲蓮杉松開一作鳴古剎一作始覓此

溪寒孤亭出屋背石磴相牽攀迎客窮道人俯俛髻眉

班釋子一作草

具麤糲雖貧有餘歡一本有三杯徑託醉陟嶽初牽攀

午馳登西山

去一作路

路一作九曲旁山禽慣不驚夏木秀且繁緬懷紫髯公

真玉祠天壇豪彊一作雄豪有遺韻興廢一作消毀無留現空竄一泓

泉引余掬清甘

一作眼明意閒泉引手掬清甘

至人悲熱惱遺一作留

此消昏煩一作驅塵

我茶非世間一作茶天上蒼月圓為尔惜不得烹啜一作瀉

晨食深一作出谷晚易陰快一作清雨時班班一作但見夾道松龍

髯濕蒼顏念一作懷我亦顏人深一作居閑一作柴一作閑不使倒

珠玉使一作濟我胃中慳之官亦漫浪過勝却一作盤桓平生

據頑鈍信命傲憂患言歸徒旅一作疲就蔭休征鞍

送張天覺使河東席上分題得將字

張侯蜀都秀玉立身堂，手持明光節六月登大行三
晉維中夏朔方臨大荒傳吉賢使者父老相扶將控弦
百万户十年廢耕桑但使把鋤犁自然息榭楊主人延
閣老別酒泛蘭觴寄吉果諫議款試紫參方

果歌寄上黨
參久未至也

讀中興頌碑

玉環妖血無人掃漁陽馬厭長安草潼關戰骨高於山
万里君王蜀中老金戈鉄馬從西來郭公慄、英雄才
牽旗為風偃為雨洒掃九廟無塵埃元功高名誰與紀
風雅不繼騷人死水部曾中星斗文太師筆下蛟龍字
天遣二子傳將來高山十丈磨蒼崖誰持此碑入我室
使我一見昏眸開百年廢興增歎慨當時教子今安在
君不見荒涼洛水棄不收時有游人打碑賣

書館直舍

紫禁斷人声蓬山轉春日樓外晚鼓傳城陰衛蕃出循
除擷新秀紅紫間踈密倚天黃金闕龍虎氣鬱律明時
職鉛槧寓直守編扶踈閑謝禪補歲月感飄忽謝公山
林賞不為軒冕屈体道無朝野達情慙利物

宣城至日謁天慶觀行香呈郡寮

溪山慘殘歲况乃值新冬清晨率其屬肆礼凝琳宮漠

漢胃厚霧淒，隔水風南方異氣候。霜葉未全紅，忍憶
簪史筆。早趨關，蒼龍拜舞。東上閣，佳氣鬱鬱。菊蕊淡笑出
右掖。交游盡英雄，老大心之矣。依然夢魂中。

秋日獨酌懷榮子邕

新秋一盃酒，風雨早涼天。眷言西鄰友，咫尺莫能前。堂
無病羸馬，泥滑不勝鞭。端居何為者，落莫掩書眠。高柳
颯已疎，碧草留餘鮮。哀懷感徂節，客舍悲流年。孤吟誰
與和，獨酌還醒然。新晴野路乾，期子南邊。

夜初涼

庭木舞風雨，清秋來我堂。衾裯偃宵寐，灯火照新涼。昔

我來清穎，庭花有晚芳。坐看桐葉暗，已近菊枝黃。歲月
忽流駛，形骸變老蒼。淹留應有命，通塞詎能量。寂歷年
華晚，優游永日長。憂時非我事，黃卷有虞唐。

題陸羽祠堂兼寄李援援有詩殊佳

陸子不可招，寂寥風月魂。空堂掩遺像，幸此配老禪。奉
世人澆薄，云誰知子賢。竟陵樵牧地，陳迹豈復存。我歎
歌子詩，三歎拊無絃。尾聲爲賦，勸此茗井泉。

請詩吊陸子，味若堂下泉。陸子節三折，青松代之言。松
亦安能言，風至將焉歎。至哉非子古，陸子意已傳。

漢胃厚霧淒，隔水風南方異氣候。霜葉未全紅，忽憶
簪史筆早趨。關蒼龍拜舞，東上閣佳氣鬱。菊蕊笑出
右掖，交游盡英雄。老大心已矣，依然夢魂中。

秋日獨酌懷榮子邕

新秋一盃酒，風雨早涼天。眷言西鄰友，咫尺莫能前。豈
無病羸馬，泥滑不勝鞭。端居何為者，落莫掩書眠。高柳
颯已踈，碧草留餘鮮。哀懷感徂節，客舍悲流年。孤吟誰
與和，獨酌還醒然。新晴野路乾，期子南邊。

夜初涼

庭木舞風雨，清秋來我堂。衾裯偃宵寐，灯火照新涼。昔

我來清潁，庭花有晚芳。坐看桐葉暗，已近菊枝黃。歲月
忽流駛，形骸變老蒼。淹留應有命，通塞詎能量。寂歷年
華晚，優游永日長。憂時非我事，黃卷有虞唐。

題陸羽祠堂兼寄李援援有詩殊佳

陸子不可招，寂寥夙月魂。空堂掩遺像，幸此配老禪。奉
世人沈薄，云誰知子賢。竟陵樵牧地，陳迹豈復存。我欲
歌子詩，三歎拍無絃。尾登薦秋菊，酌此石井泉。
請詩吊陸子，味若堂下泉。陸子骨已朽，青松代之言。松
亦安能言，風至時蕭然。至談非舌，陸子意已傳。

張右史文集卷第四

張右史文集卷第五 右詩

三月小園花已謝獨為樂盛開

霽霽春日晚寂寂新陰繁千紅與萬紫盛盡一時闌西
堂晚為藥百萼乘露鮮紅粧諸美人錦綺富春妍東風
時過之舞態低昂翻折贈懷漆酒感之為三歎

題焦山

焦山如伏龜萬石浸碧浪牽頭北顧海尾負金刹壯我
開城東樓秀色日相向松杉數毛髮人物見下上款携
浮丘公拋殼恣潛謀仙風如見引金闕或可訪

寄楊道季

士師我自出夷邁，凌清秋年少不飲酒，昏灯夜問囚。君
家外大父所獄，代其爰備飢。朝煮餘驅蚊，夜張情獄成。
上府肘稽顙，呼張侯怒心。臨罅相盈以戈矛，無令市
死厲請帝，號重幽。

春日雜興四首

桃李用事辰，鮮明奪雲倚。繁華一朝去，默默慙把梓。時
徂鷹化鳩，地迂橘為枳。独有羨門生，後天猶不死。

昔我游京室，交通五陵間。主客各英妙，袍馬相追攀。千
金具飲啜，百金雇吹彈。纓弁羅廣席，當頭舞交竿。鮮粧
耀淶酒，錦袖生風瀾。灯烛暗夜艾，士女紛相班。歡娛易

徂歎轉眄如飛翰，疊、負孤頭離、銜永歎。山鳥窺茗
飲，簷花笑藻餐。棄捐勿重陳，事定須蓋棺。

客從遠方來，遺我昭華管。吹之幻人心，異境生虛窳。傲
礪青嶂橫，泱泱春流滿。馬蹄交狹斜，車轂錯平坦。士女
競芳辰，禽魚蔭脩竿。依微認涕笑，凌沉見纖短。停吹歛
泯滅，眈眈復空館。靈物信所真，顧恨知音罕。

潭潭故邑井，倚倚上官蘭。不食自清潔，莫服更幽閒。志
士耻躬植，卷迹甘飢寒。佳辰覓良覩，觸物懸悲端。八途
眇回遠，徑歲曠音翰。豈不慕袁馬，龍得非所安。蟬冕多
休迫，繩樞少憂患。枉尋竟何請，方知誠狂誕。

晚飯寶應

晚風吹古栢落照明空山深行得寶刹崖巒相回環人
遠草木遂境出魚鳥閑道人掃華堂延我具晚餐齋庖
野菊美石井新泉寒既飽陟上方浮香出林端平生麋
鹿志強奉伏車轅塵懷造勝絕欲去猶三歎

廣化遇雨

浮雲蔽高峯臺殿延晚色風聲轉谷豪雨脚射山白東
樓瞰虛明龍甲排檜栢蕭森異人境坐視動神魄撞鍾
寺門掩晚霽尚殘滴相携下山去塵靜馬無迹歸未解
鞍歇新月如破壁但恐桃花源回舟已青壁

寄子瞻舍人二首

皎皎連城壁實惟天地珍足傷曾不售寶氣終氤氳山
川媚餘秀星斗攬奇氛終然不可掩三浴被埃塵天王
齋戒受嚴庭具九賓貯之黃金臺藉以九龍茵事祗忘
礼厚人誰駭其新車輪走四方爭覩快一陳無瑕故易
傷歛暉志乃神

紛紛名利場向背不知醒醒公書其門客態自如舊勢
去競誠且有餘巧升斗高賢少哇吟小子多伏候退之
呼字生房相彈琴史事奇出意表欲辨不及口神明芳
忠孝福祿日方厚防微無早計求福常恐後

贈楊念三道字

黃鶴樓前月清輝千里寒娟娟過江北送子到長安長
安百萬家車馬無時閑中天聳觀闕四海會衣冠矜尔
薜蘿子豪華駭新觀蕭蕭囊中句飢坐奏清彈漫郎久
不愜逸思生風翰寄声武昌魚欲從傖父餐

曉赴祕書省有感

桃花欲開時長安春正好晴空倚闥闔朝日散馳道雲
收龍蛇榜爛金碧曉清都不容塵虎士守洒掃家無
當閑警衿袂免顛倒何慙驅款段吾事不須早儒生近
卜祝本自異時好聖朝尚文雅詔使窺鴻寶平生一盃
酒江海送吾老靜喧非人事不得守懷抱跳梁干造物
乃取鎔錡誚委懷隨所遭千葉才一笑

贈無咎以既見君子云胡不喜為韻八首

平生懷想人握手良未易接君同舍歡此事非此世十
年淮海夢一笑相逢地投分白首期頌言何有既
賢愚譬觀形美醜不自見醫肱待三折劔鉄要百鍊磨
君古青銅汰揀寄明辨一智出千愚食芥敢忘獻
文風正始磊落有諸君長者進後生亦使我有聞譬
如狸與虎偶使並稱文終然不可及因我力空勤
文哀東京後特起得韓子支撐誦笑中久乃化而麻籍

漫既洒掃後生始歸市垂君極溺手請效我一指
詩壇李杜後黃子擅竒勳平生執羈勒開府與參軍奉
詩秉筆徒吟哦謾云云安知握竒律一字有風雲
觸有羸其角進有跋其胡膏車秣吾馬白日在脩途維
乏無何杯頗多未見詩力學致事功良田本深鋤
黃子少年時風流勝春柳中年一鉢飯萬事寒木朽室
有僧對談房無妾持帚此道人人事誰令余獨不
南山縛虎師肯顧世書字揚眉哦楚喉鼎伴倒佞喜詩
聲一蒼蠅下到霹靂耳庸庸老尋常物外有竒偉

昨夜月中一睡殊有秋色竟書所見戲呈道孚

幽人息遙夜四聽市声寂月華清可掬天色紺欲滴候
蟲先知秋微響出陰壁精熒高露濕斷續殘河白與懷
我自出抱器方待擇感時當有作陋巷奏金石余方聞
農圃朝市嗟掃迹先寒戒裘褐歲暮養老客

張右史文集卷第五